

PAPAKILO

Hawaiian Newspapers Collection [Menu](#) ▾

Translate
www.hawaii.org

[Ka Hoku o Hawaii](#) / [20 September 1944](#) / [Aohe Panana](#)

Ka Hoku o Hawaii, Volume XXXIX, Number 22, 20 September 1944 — Aohe Panana [ARTICLE]

[Back](#)

Aohe Panana

He elua keia mau kanaka, aia paha ma kekahi wahi o Kona. He mamao mai nae hoi kahi o kekahi e noho ana mai kekahi mai. Loaa aku nei ka nupepa Ka Hoku o Hawaii i kekahi o laua, a no ka mea he mea lawe pepa oia, a i ka loaa ana aku keia o kana nupepa ua hoomaka iho la e heluhelu a hiki ma kahi e kau ana ka papa inoa o na moho Teritori a hoea loa mai i na moho Kalana.

Ma kekahi mau la mai ua hele aku la ke kanaka heluhelu i Ka Hoku no ka home o ke kanaka lawe pepa ole. I ka hoea ana aku o keia kanaka, ua pa maila no kaneha a kamaaina, e komo aku. Ua komo aku la nohoi keia, a ua hoohele kamailio laua ma na mea like ole mai ka mahiai a ka la-

waia.

Mahope iho o keia ua ninau aku la ke kanaka mua i ke kanaka elua, "Ea owai ana kau moho kalana e koho ai ma keia kau koho e hoea mai ana?"

Ua pane maila ke kanaka elua, "he noho pouliuli wale iho no keia la, aohe mea nana e hoomalamalama mai ia makou me ko'u ohana."

"E koho hou aku no paha ia Hanale Makini i Makainui," wahi ana.

Pane aku la ke kanaka ekahi, "Aohe he moho makainui i keia kau. Aole ka ou hoomaopopo iho ua holo iho nei ke kanawai Komisina Makai, a ua hoopau ia o Makini. Eia oia ke atualu nei i ke kulana senatoa."

Ia manawa ua unuhi ae la ke kanaka mua i kana Hoku a hoi-keike aku la i ke kanaka elua a heluhelu iho la. Ua pane aela nohoi, "O ka mea noho pouliuli iho la no ia, aohe mea nana e hoomalamalama mai i na mea like ole."

Nolaila, mai noho pouliuli mau oukou. E lawe i ka Hoku O Hawaii i mau ai ka malamalama ana o kou home, ma na mea a

makou e hoomaikeike aku ai. He haahaa loa kahi auhau o ka makahiki. E ninsu nisi i ko makou keena pa'i. E loaa aku auanei na mea apau au emakemake ai.

E lawe i ka nupepa Ka Hoku O Hawaii i keia manawa, mai kali a hala ka wa kupono loa au i makemake nui loa ai no kekahi mea e hoolaha ia.

I na i makemake oe i nupepa nau e kakau mai ia E. M. Desha, a i ole ia Solomon Anakalea, ka Lunahooponopono o Ka Hoku o Hawaii. Hilo Hawaii.

This article has been automatically clipped from the Ka Hoku o Hawaii 20 September 1944, organised into a single column, then optimised for display on your computer screen. As a result, it may not look exactly as it did on the original page. The article can be seen in its original form in the [page view](#).
